



Funded by
the European Union

აღმოსავლეთ
პარტნიორობის
ევროპული სკოლის
საშუალო განათლების
სასტიპენდიო პროგრამა,
2023-2024 წწ.

ევროპულ სწავლებაზე ორიენტირებული
საერთაშორისო ბაკალავრიატის (IB) დიპლომი
ახალ სკოლაში თბილისში (საქართველო)

მოსწავლეებისგან განაცხადები მიიღება აზერბაიჯანიდან,
ბელარუსიდან, მოლდოვის რესპუბლიკიდან, საქართველოდან,
სომხეთიდან და უკრაინიდან

განაცხადების მიღების ბოლო ვადა:

2023 წლის 16 მარტი, 12:00 სთ. (შუადღე),
საქართველოს დროით (UTC +4.00)



UNOPS



16-17

წლის მოსწავლეები

20

სტიპენდია

6

ქვეყანა

აზერბაიჯანი
ბელარუსია
მოლდოვის რესპუბლიკა
საქართველო
სომხეთი
უკრაინა

ახალი სკოლა თბილისში (საქართველო), ევროკავშირისა და საერთაშორისო ბაკალავრიატის (IB) მხარდაჭერით, მოხარულია, გამოაცხადოს აღმოსავლეთ პარტნიორობის ევროპული სკოლის სასტიპენდიო პროგრამის კონკურსი მოსწავლეთა ახალი ნაკადის მისაღებად 2023/2024 აკადემიური წლისთვის.

კონკურსში მონაწილეობის მიღება შეუძლიათ მოსწავლეებს აღმოსავლეთ პარტნიორობის ქვეყნებიდან, კერძოდ, აზერბაიჯანიდან, ბელარუსიდან, მოლდოვის რესპუბლიკიდან, საქართველოდან, სომხეთიდან და უკრაინიდან, რომლებსაც 2023 წლის 1 სექტემბრისთვის შეუსრულდათ 16-17 წელი.

ტესტირების შედეგების მიხედვით შეირჩევა ოცამდე საუკეთესო სტუდენტი, რომელიც მიიღებს სრულ სტიპენდიას ევროპულ სწავლებაზე ორიენტირებული საერთაშორისო ბაკალავრიატის (IB) სადიპლომო პროგრამაში მონაწილეობისთვის.

აღმოსავლეთ პარტნიორობის ევროპული სკოლის პროგრამა, რომელიც დაფინანსებულია ევროკავშირის მიერ, მიზნად ისახავს აღმოსავლეთ პარტნიორობის ექვსი ქვეყნის მოსწავლეებისთვის საშუალო განათლების შესაძლებლობის უზრუნველყოფას. 2018 წელს წარმატებით დაწყებული პროგრამა მეხუთე წელია, რაც საქართველოში ხორციელდება. მიმდინარე კონკურსში შერჩეული მოსწავლეები ჩაერთვებიან 2023/2024 აკადემიური წლის სასტიპენდიო პროგრამაში.

დამატებითი ინფორმაცია პროექტის „აღმოსავლეთ პარტნიორობის ევროპული სკოლა საქართველოში“ შესახებ იხილეთ აქ:





სადიპლომო პროგრამა

1

საერთაშორისო ბაკალავრიატის (IB) სადიპლომო პროგრამა არის ორწლიანი საგანმანათლებლო პროგრამა, რომელიც ხელმისაწვდომია 16-19 წლის ასაკის მოსწავლეებისთვის მსოფლიოს 140 ქვეყანაში. პროგრამა იძლევა საერთაშორისოდ აღიარებულ კვალიფიკაციას უმაღლესი განათლების მისაღებად და აღირებულია მსოფლიოს მრავალი უნივერსიტეტის მიერ. მოსწავლეები გაივლიან ევროპულ სწავლებაზე ორიენტირებულ სასწავლო პროგრამას, რომელიც მიზნად ისახავს მულტიკულტურული და მრავალენოვანი ევროპული ღირებულებების განმტკიცებას.

ევროპულ სწავლებაზე ორიენტირებული საერთაშორისო ბაკალავრიატის (IB) სადიპლომო პროგრამას ახორციელებს ახალი სკოლა თბილისში (საქართველო), რომელიც 2010 წლიდან ავტორიზებულია საერთაშორისო ბაკალავრიატის (IB) მიერ და ევროკავშირის პარტნიორია.

2

სასტიპენდიო პაკეტი

სტიპენდიის პროგრამა დაფინანსებულია ევროკავშირის მიერ.

სტიპენდიის პროგრამა მოიცავს საერთაშორისო ბაკალავრიატის სადიპლომო პროგრამის სრულ ორწლიან ციკლს და ასევე, საჭიროების შემთხვევაში, უზრუნველყოფს საცხოვრებელი ადგილით.

სტიპენდია მიენიჭება პირველ აკადემიურ წელს და ავტომატურად გაგრძელდება მეორე აკადემიურ წელს, მოსწავლეების წარმატებული მოსწრების საფუძველზე პირველი წლის დასრულების შემდეგ. მოსწავლეებმა არ უნდა გააკეთონ ხელახალი განაცხადი სტიპენდიის მისაღებად მეორე წელსაც.

სტიპენდიის პროგრამა მოიცავს:

- ✓ სწავლების ხარჯებს 2023/2024 აკადემიური წლისთვის ევროპული საერთაშორისო ბაკალავრიატის პროგრამისთვის ახალ სკოლაში თბილისში, საქართველო.
- ✓ განთავსებისა და კვების ხარჯებს თბილისში, საქართველოში. მოსწავლეები განთავსდებიან საერთო საცხოვრებელში ახალი სკოლის ტერიტორიაზე.
- ✓ სამგზავრო ხარჯებს ორივე მიმართულებით თბილისსა და საცხოვრებელ ადგილს შორის, სასკოლო არდადეგების დროს.
- ✓ მუნიციპალური ტრანსპორტით უფასო მგზავრობას საქართველოში მოქმედი ბანკის პერსონალური სადებეტო ბარათის გამოყენებით.
- ✓ პროგრამაში მონაწილეობის მისაღებად სტუდენტებისთვის საჭირო სასწავლო მასალებს და რესურსებს (წიგნები, ლექტოპები, კალკულატორები და სმარტფონები სწავლების დროს).
- ✓ მონაწილეობას ევროკავშირის მიერ დაფინანსებულ სემინარებში, კონფერენციებში, სასწავლო ტურებში და სხვა ღონისძიებებში.
- ✓ სამედიცინო დაზღვევას.

სტიპენდიის პროგრამა არ მოიცავს:

- ✗ ფულადი საშუალებების პირდაპირ გადარიცხვას ან ნაღდი ფულის გაცემას მოსწავლეებისთვის ან მოსწავლეთა ოჯახებისთვის;
- ✗ შიდა ან საერთაშორისო გადაადგილებას თბილისის მიმართულებით/თბილისიდან მოსწავლეების ოჯახების წევრებისთვის.
- ✗ სტუდენტების პირადი ხარჯების ანაზღაურებას, როგორცაა ტანსაცმელი, დამატებითი ბარგის ტრანსპორტირება, საკვები და სასმელი კამპუსის გარეთ, მობილური ტელეფონები და პერსონალური კომპიუტერები, გარდა იმ კომპიუტერებისა, რომლებიც მოსწავლეებს გადაეცათ სადიპლომო პროგრამის ფარგლებში.



3

უფლებამოსილება

სტიპენდიის პროგრამაში მიღება ხდება აკადემიური მოსწრების საფუძველზე და უფასოა იმ განმცხადებლებისთვის, რომლებიც აკმაყოფილებენ მოთხოვნებს.

უფლებამოსილი განმცხადებელი უნდა აკმაყოფილებდეს შემდეგ მოთხოვნებს:

1. იყოს აზერბაიჯანის, ბელარუსის, მოლდოვას რესპუბლიკის, საქართველოს, სომხეთის ან უკრაინის მოქალაქე და შეეძლოს საერთაშორისო სამოგზაურო დოკუმენტების მიღება საქართველოში გასამგზავრებლად.
2. ცხოვრობდეს აზერბაიჯანში, ბელარუსში, მოლდოვას რესპუბლიკაში, სომხეთში ან უკრაინაში განაცხადის შემოტანის დროს (იხილეთ სქემა 1 შემდეგ გვერდზე).
3. აკმაყოფილებდეს მისი ქვეყნისთვის განსაზღვრული შეფასების/ასაკის მოთხოვნებს - იხილეთ ცხრილი 1.
4. იყოს საშუალო სკოლის მოსწავლე ზემოთ მითითებული ექვსი ქვეყნიდან ერთ-ერთში განაცხადის გაკეთების დროს (იხილეთ სქემა 1 შემდეგ გვერდზე).
5. აჩვენებს მინიმუმ საშუალოდ 70% GPA¹ წინა და მიმდინარე წელს საშუალო სკოლაში სწავლის დროს;
6. რეგისტრაციის დროს სწავლობდა ინგლისურ ენას და აჩვენებს სათანადო უნარებს (B2 დონე² და მეტი);
7. ევროკავშირის სხვა ენის ცოდნა მიიჩნევა უპირატესობად.

ცხრილი 1. შეფასების/ასაკის მოთხოვნები

ქვეყანა	დასაშვები შეფასება (განაცხადის წახვედნისას)	დასაშვები ასაკი 2023 წლის 1 სექტემბრის მდგომარეობით
აზერბაიჯანი	9-10	16-17
ბელარუსი	9-10	16-17
მოლდოვას რესპუბლიკა	10	16-17
საქართველო	10	16-17
სომხეთი	9-10	16-17
უკრაინა	9-10	16-17



შენიშვნა:

მოსწავლეები, რომლებსაც მოეთხოვებათ სამხედრო სამსახურის გავლა საბოლოო შეფასების მისაღებად, შესაძლოა არ იყვნენ მიჩნეულნი უფლებამოსილებად.

მოსწავლეები, რომლებსაც უკვე მინიჭებული აქვთ საშუალო სკოლის დიპლომი ან სერტიფიკატი, არ არიან უფლებამოსილნი ამ კონკურსში მონაწილეობის მისაღებად.

¹ GPA / Grade Point Average = ნიშნების საშუალო მაჩვენებელი.

² B2 დონე შესაბამისაა განაფულობის საშუალო დონეს, რაც ნიშნავს, რომ ამ დონეზე მცოდნეს უკვე უნდა შეეძლოს, დამოუკიდებლად ისწავლოს ან იმუშაოს აკადემიურ და პროფესიულ გარემოში ინგლისურ ენაზე, თუმცა, გარკვეული შეზღუდვებით.



*გნივანელოვანი ინფორმაცია:

უკრაინისთვის: ამჟამად უნდა იყოს უკრაინის კანონიერი მუდმივი რეზიდენტი ან 2022 წლის 1 თებერვლიდან გადასახლებული იყოს სქემა 1-ში მითითებულ რომელიმე ქვეყანაში.

ბელარუსისთვის: ამჟამად უნდა იყოს ბელარუსის კანონიერი მუდმივი რეზიდენტი, რომელის ადგილსამყოფელია ბელარუსი ან 2020 წლის აგვისტოდან გადასახლებული იყოს სქემა 1-ში მითითებულ რომელიმე ქვეყანაში.

სქემა 1. „აღმოსავლეთ პარტნიორობის ევროპული სკოლა საქართველოში“ პროექტის ფარგლებში დაშვებული ტერიტორია

ევროკავშირის წევრი ქვეყნები³

ავსტრია
ბელგია
ბულგარეთი
გერმანია
დანია
ირლანდია
ესპანეთი
ესტონეთი
იტალია

კვიპროსი
ლატვია
ლიეტუვა
ლუქსემბურგი
მალტა
საბერძნეთი
საფრანგეთი
სლოვაკეთი
სლოვენია

პოლონეთი
პორტუგალია
რუმინეთი
უნგრეთი
ფინეთი
ხორვატია
შვედეთი
ჩეხეთის რესპუბლიკა
ჰოლანდია

სხვა ევროპული ქვეყნები

დიდი ბრიტანეთი
ისლანდია
ლიხტენშტეინი

ნორვეგია
შვეიცარია

ევროკავშირის პარტნიორი ქვეყნები

აღმოსავლეთ პარტნიორობის ქვეყნები:
აზერბაიჯანი
ბელარუსი
მოლდოვის რესპუბლიკა
საქართველო
სომხეთი
უკრაინა
Ukraine

ევროკავშირის სხვა პარტნიორი ქვეყნები
ალბანეთი
ბოსნია და ჰერცეგოვინა
თურქეთი
კოსოვო⁴
მონტენეგრო
სერბეთი
ჩრდილოეთ მაკედონიის რესპუბლიკა

³ ევროკავშირის წევრი ქვეყნების ან სხვა ევროპული ქვეყნების ზღვისიქითა ტერიტორიები არ არიან უფლებამოსილნი ამ კონკურსში მონაწილეობის მისაღებად.

⁴ ეს აღნიშვნა არ ეწინააღმდეგება პოზიციებს სტატუსთან დაკავშირებით და შესაბამისობაშია გაეროს უშიშროების საბჭოს 1244/1999 და სისხლის სამართლის საერთაშორისო სასამართლოს მოსაზრებას კოსოვოს დამოუკიდებლობის გამოცხადების შესახებ.

4

შერჩევისა და მიღების პროცედურა

შერჩევის პროცესში ყველა უფლებამოსილი განაცხადი თანაბრად იქნება განხილული.

შერჩევის პროცესი მოიცავს შემდეგ ეტაპებს:

- ✓ **განაცხადების შეტანა** – 2022 წლის 16 დეკემბრიდან 2023 წლის 16 მარტამდე, 12:00 სთ. (შუადღე), საქართველოს დროით (UTC+4.00)
- ✓ **წერილობითი ტესტები** – 2023 წლის მარტის/აპრილის განმავლობაში
- ✓ **ინტერვიუები** – 2023 წლის აპრილის/მაისის განმავლობაში

კომისია კვალიფიციურად წარმართავს შერჩევით პროცესს, ობიექტური და გამჭვირვალე შეფასებითი მეთოდების გამოყენებით. მიმღები კომისიის გადაწყვეტილებები საბოლოოა და გასაჩივრებას არ ექვემდებარება.

განაცხადის შეტანა

- ✓ განაცხადების შეტანის საბოლოო ვადაა 2023 წლის 16 მარტი, 12:00 საათი (შუადღე), საქართველოს დროით (UCT+4.00).
- ✓ განაცხადის შესატანად კანდიდატებს მოეთხოვებათ ონლაინ განმცხადებლის პროფილის შექმნა ახალი სკოლის ვებგვერდზე - www.eapeuropeanschool.eu.
- ✓ დაგვიანებით ან არასრულად წარმოდგენილი განაცხადი არ მიიღება. სრულყოფილი ფაილის წარმატებით შეტანის შემდეგ, განმცხადებლები მიიღებენ ავტომატურ ელექტრონულ წერილს.
- ✓ შერჩეული კანდიდატები გაივლიან ტესტირებას.



ელექტრონული (ონლაინ) ტესტები მათემატიკასა და ინგლისურში

ჩატარდება ორი წერილობითი ტესტი: მათემატიკასა (40 წუთი) და ინგლისურ ენაში (1 საათი). ყველა ტესტი ჩატარდება ინგლისურ ენაზე, ონლაინ პლატფორმის გამოყენებით. სტუდენტებს უნდა ჰქონდეთ ლეპტოპები და ინტერნეტზე კარგი წვდომა, რათა წარმატებით გაიარონ ონლაინ ტესტირება.

მათემატიკის ტესტი

კომპეტენციის მინიმალური დონე 40% (ამასთან, სტუდენტებს, რომლებიც მიიღებენ უმაღლეს ქულას უპირატესობა ექნებათ იმ სტუდენტებთან შედარებით, რომლებიც მიიღებენ დაბალ პროცენტულ შეფასებას).

სტუდენტები, რომლებიც მიიღებენ 60% ამ მეტს, დაიშვებიან უმაღლესი დონის კურსებზე მათემატიკაში, ქიმიასა და ფიზიკაში.

მათემატიკის ტესტის თემებია: რიცხვები, სიმრავლეები და რიცხვები, ალგებრა, ტრიგონომეტრია, გეომეტრია, კოორდინატთა გეომეტრია, სტატისტიკა და ალბათობა (დეტალები ხელმისაწვდომია მოთხოვნისამებრ).

ინგლისური ენის გამოცდა

ტესტი შედგება ორი ნაწილისგან. კითხვის ნაწილში, სტუდენტებს სთხოვენ წაკითხონ ტექსტები და უპასუხონ დასმულ შეკითხვებს, ამგვარად ახდენენ რა ტექსტის გაგების დემონსტრირებას.

წერით ნაწილში, სტუდენტებს მოეთხოვებათ ტექსტის (150-250 სიტყვა) დაწერა ნამდვილი ან წარმოსახვითი მოვლენის შესახებ კულტურის, ჯანმრთელობის, დასვენების, მეცნიერების ან ტექნოლოგიის შესახებ.

წვდომისა და თანაბარი შესაძლებლობების უზრუნველყოფისთვის ყველა წერილობით ტესტში, აუცილებელი ფიზიკური დასწრების ადმინისტრირება მოხდება ადგილობრივად, ექვსივე ქვეყანაში, აღიარებული პარტნიორული ორგანიზაციების მიერ. ტესტირება ჩატარდება ექვსივე ქვეყანაში ერთსა და იმავე დროს, 2023 წლის მარტის განმავლობაში.

კანდიდატებს ეცნობებათ ტესტირების ზუსტი თარიღებისა და ტესტირების ცენტრების ადგილმდებარეობის შესახებ.

ინტერვიუ

ონლაინ ტესტების შედეგების საფუძველზე, განმცხადებლებს ჩაუტარდებათ ინტერვიუ Zoom-ის საშუალებით, რაც შერჩევის პროცედურის მესამე და საბოლოო ეტაპია. ინტერვიუების საორიენტაციო პერიოდია 2023 წლის აპრილი. ინტერვიუ ჩატარდება ინგლისურ ენაზე.

ინტერვიუ, რომლის ხანგრძლივობაა 30 წუთი, შეაფასებს მოსწავლეთა კურსისთვის მზადყოფნის შემდეგ ელემენტებს:

- ✓ გახსნილობა ახალი სასწავლო გამოცდილების მისაღებად და კულტურების გასაცნობად.
- ✓ მზაობა საერთო საცხორებელში ცხოვრებისათვის სხვა ქვეყანაში და სახლიდან შორს.
- ✓ ცნობისმოყვარეობა და მოტივაცია.
- ✓ საინტერესო სასწავლო საგნები და კურსები, რომელთა გავლასაც კანდიდატი ისურვებდა;
- ✓ საკომუნიკაციო და ვერბალური უნარები, მათ შორის და არა მარტო, სალაპარაკო ინგლისური ენა.
- ✓ სოციალური კომპეტენცია და აქტიური ჩართულობა კლასგარეშე აქტივობებში (სპორტი, კლუბები, კონკურსები და ა.შ.).



ინდივიდუალური ინტერვიუები ახალი სკოლის პერსონალთან და სხვა შემფასებლებთან დაგეგმილია 2023 წლის აპრილში.

ინტერვიუების ფარგლებში, მიმღები კომისია განსაკუთრებულ ყურადღებას მიაქცევს სტუდენტთა მოტივაციას, მათ გახსნილობას სხვა კულტურების ასიმილირებისთვის და დაინტერესებას ევროპის საქმეებით.




სტიპენდიანტების ჩამონათვალი 2023-2024 აკადემიური წლისთვის გამოცხადდება 2023 წლის მაისის მეორე ნახევარში. შერჩეული სტუდენტები ვალდებულებას იღებენ, რომ სრულად გაივლიან სასტიპენდიო პროგრამას.

განაცხადების მიღების პროცესი სტიპენდიის პროგრამაში მოსახვედრად უფასოა. ამასთან, სამოგზაურო ხარჯები ტესტირების ადგილამდე უნდა დაფარონ თავად განმცხადებლებმა. აღნიშნული ხარჯი არ ექვემდებარება ანაზღაურებას.

დამატებითი ინფორმაციისთვის განაცხადების
მიღების პროცესში დაგვიკავშირდით:

 euscholarship@eapeuropeanschool.eu

 +995 32 225 70 06

 +995 577 39 39 99

მიმართე
ახლავე!



Funded by
the European Union

აღმოსავლეთ
პარტნიორობის
ევროპული სკოლის
საშუალო განათლების
სასტიპენდიო პროგრამა,
2023-2024 წწ.

ევროპულ სწავლებაზე ორიენტირებული
საერთაშორისო ბაკალავრიატის (IB) დიპლომი
ახალ სკოლაში თბილისში (საქართველო)

მოსწავლეებისგან განაცხადები მიიღება აზერბაიჯანიდან,
ბელარუსიდან, მოლდოვის რესპუბლიკიდან, საქართველოდან,
სომხეთიდან და უკრაინიდან

განაცხადების მიღების ბოლო ვადა:

2023 წლის 16 მარტი, 12:00 სთ. (შუადღე),
საქართველოს დროით (UTC +4.00)



UNOPS



რა არის აღმოსავლეთ პარტნიორობის ევროპული სკოლის სასტიპენდიო პროგრამის მიზანი?



ევროკავშირის მიერ დაფინანსებული სასტიპენდიო პროგრამა მოსწავლეებს სთავაზობს მაღალი ხარისხის, საერთაშორისოდ აღიარებულ დიპლომის მიღებას, რაც ახალგაზრდებისთვის აზერბაიჯანიდან, ბელარუსიდან, მოლდოვის რესპუბლიკიდან, საქართველოდან, სომხეთიდან და უკრაინიდან გამორჩეული საგანმანათლებლო შესაძლებლობაა.

რა არის ევროპულ სწავლებაზე ორიენტირებული საერთაშორისო ბაკალავრიატის დიპლომი?



პროგრამა მოსწავლეებს სთავაზობს საერთაშორისო ბაკალავრიატის დიპლომის ყოვლისმომცველ და სრულყოფილ ორწლიან აკადემიურ კურსს, რომელიც იმავდროულად ევროპის შესახებ სხვადასხვა საკითხის შესწავლის უნიკალურ შესაძლებლობას იძლევა.

რა არის საერთაშორისო ბაკალავრიატის პროგრამის კონცეფცია?



საერთაშორისო ბაკალავრიატი წარმოადგენს საერთაშორისო ფონდს, რომლის სლოგანია „შევექმნათ უკეთესი მსოფლიო განათლების საშუალებით.“ საერთაშორისო ბაკალავრიატი გთავაზობს საგანმანათლებლო პროგრამას, რომელიც ორიენტირებულია იმაზე, რომ მოსწავლეებმა იმოქმედონ ეთიკურად და იაზროვნონ ლოგიკურად, კრიტიკულად და დამოუკიდებლად. იგი მოსწავლეებს მთელ მსოფლიოში სთავაზობს ინტერნაციონალურ და მულტიკულტურულ საგანმანათლებლო გარემოს და ამზადებს მათ დღევანდელი გლობალიზებული სამყაროს გამოწვევებთან გასამკლავებლად. ამ თვალსაზრისით, საერთაშორისო ბაკალავრიატის (IB) საგანმანათლებლო ფილოსოფია შესაბამისობაშია ევროპული ბაკალავრიატის (EB) პროგრამის პრინციპებსა და მიზნებთან.

მიენიჭებათ თუ არა საერთაშორისო ბაკალავრიატის დიპლომის მქონე მოსწავლეებს უპირატესობა მსოფლიოს სხვადასხვა უნივერსიტეტში?



საერთაშორისო ბაკალავრიატის დიპლომს ცნობს 75 ქვეყნის 2000-მდე უნივერსიტეტი. უნივერსიტეტების ჩამონათვალი განთავსებულია საერთაშორისო ბაკალავრიატის ვებგვერდზე (www.ibo.org). მთელი რიგი უნივერსიტეტები ამ პროგრამის კურსდამთავრებულებს სთავაზობს სტიპენდიებს სხვადასხვა პირობით. სადიპლომო პროგრამის დასრულებისას კურსდამთავრებულებს შეუძლიათ დიპლომები წარუდგინონ განათლების სამინისტროებს თავიანთ ქვეყნებში, რათა მიიღონ სკოლის დამთავრების ეკვივალენტური ოფიციალური დოკუმენტი.

ვინ ახორციელებს საერთაშორისო ბაკალავრიატის სადიპლომო პროგრამას?



საერთაშორისო ბაკალავრიატის სადიპლომო პროგრამას ახორციელებს „ახალი სკოლა“ თბილისში, (საქართველო). სკოლა ავტორიზებულია საერთაშორისო ბაკალავრიატის მიერ 2010 წელს. „ახალ სკოლას“ მნიშვნელოვანი წვლილი მიუძღვის საქართველოში მრავალენოვანი და მულტიკულტურულ განათლების დანერგვასა და მრავალი ადგილობრივი და უცხოელი კურსდამთავრებულის წარმატებულ კარიერაში. ბოლო პერიოდში, „ახალმა სკოლამ“ ასევე მნიშვნელოვან წარმატებას მიაღწია ევროპულ სწავლებაზე ორიენტირებული საერთაშორისო ბაკალავრიატის სადიპლომო პროგრამით სწავლებაში და სექტემბრიდან მოსწავლეთა ახალ ნაკადს საკუთარ გამოცდილებას მეტი შემართებით გაუზიარებს.



რომელი კლასგარეშე აქტივობებია გათვალისწინებული „ახალ სკოლაში“?



კლასგარეშე აქტივობები კიდევ უფრო აღრმავებს მოსწავლეთა ევროპულ თვალთახედვას, საშუალებას აძლევს მათ, დაესწრონ ევროკავშირის მიერ მოწვეული მეცნიერებისა და ხელისუფლების წარმომადგენლების მიერ ორგანიზებულ კონფერენციებსა და ღონისძიებებს. დაგეგმილია მოსწავლეთა სამუშაო ვიზიტები ევროპულ ინსტიტუციებში, რაც გაამყარებს მათ ცოდნას ევროპისა და ევროპის ხალხების შესახებ. ამ ორი წლის მანძილზე მოსწავლეებს მიეცემა შესაძლებლობა, მონაწილეობა მიიღონ ისეთ აქტივობებში და შეჯიბრებებში, როგორებიცაა ფეხბურთი, კალათბურთი, ფრენბურთი, ცურვა, ჭადრაკი, მოდელირებული გაეროს კონფერენციები, დრამისა და კულინარიული კლუბები. ყოველ სემესტრში ისინი იმოგზაურებენ საქართველოს სხვადასხვა კუთხეში, რაც კიდევ უფრო გაამდიდრებს მათ გამოცდილებას.

იძლევა თუ არა სასტიპენდიო პროგრამა თანაბარ შესაძლებლობებს ყველა განმცხადებლისთვის?



სასტიპენდიო პროგრამის მიზანია, უზრუნველყოს გენდერული თანასწორობა და თანაბარი გეოგრაფიული წარმომადგენლობა მიღებული განაცხადების მიხედვით. ეს ბალანსი წარმატებულად იქნა დაცული განმცხადებელთა ყველა ჯგუფის მიღებისას აღმოსავლეთ პარტნიორობის თითოეული ქვეყნიდან. პროგრამაში მონაწილეობის მიღება შეუძლიათ მოსწავლეებს, რომლებსაც იძულებით ადგილნაცვალ პირთა სტატუსი გააჩნიათ და არიან აღმოსავლეთ პარტნიორობის რომელიმე ქვეყნის მოქალაქეები.

სად იცხოვრებენ მოსწავლეები ორი წლის მანძილზე?



მოსწავლეები იცხოვრებენ მოსწავლეთა საერთო საცხოვრებელში, რომელიც განთავსებულია „ახალი სკოლის“ ტერიტორიაზე. აქ მოსწავლეები და, ასევე, მომსახურე პერსონალი კომფორტულად იცხოვრებს. მოსწავლეთათვის გათვალისწინებულია სამეცადინო და სარეკრეაციო სივრცეები. საერთო საცხოვრებლის უფროსი და მენტორთა გუნდი მუდმივად გაუწევს მათ მეთვალყურეობას, უზრუნველყოფს მათთვის კომფორტს, უსაფრთხოებასა და კეთილდღეობას.

როგორი პირობებია საერთო საცხოვრებელში?



საერთო საცხოვრებელში, თითოეულ ოთახში, იცხოვრებს ორი მოსწავლე. ოთახები სრულად არის აღჭურვილი აუცილებელი ავეჯით და სათავსოებით, რაც განაპირობებს ოპტიმალურ სასწავლო გარემოს. გარდა ამისა, „ახალი სკოლის“ კაფეტერიაში მომზადებული საკვები უმაღლესი ხარისხისაა და მზადდება ახალი პროდუქტებით, არის ჯანმრთელი და მრავალფეროვანი. გათვალისწინებულია მოსწავლეთა დიეტური რეკომენდაციები.

ექნებათ თუ არა მოსწავლეებს სასწავლო რესურსები?



ყველა სასწავლო რესურსი, რაც საჭიროა საერთაშორისო ბაკალავრიატის სადიპლომო პროგრამისთვის (მაგალითად, სპეციალური კალკულატორები) მოსწავლეებს უფასოდ გადაეცემათ. გარდა ამისა, მოსწავლეებს უფასოდ გადაეცემათ პირადი ლეპტოპები, როგორც სკოლაში, ისე სახლში გამოსაყენებლად, აგრეთვე, მობილური ტელეფონები სპეციალური საერთო საცხოვრებლის აპლიკაციის გამოსაყენებლად.



რას დაფარავს სამედიცინო დაზღვევა?



მოსწავლეებს ექნებათ სამედიცინო დაზღვევა, რომელიც სრულად ფარავს სამედიცინო ხარჯებს, სამედიცინო მომსახურების ჩამონათვალი ყოველ წელს განახლებადია.

რა ხარჯები უნდა დაფარონ მოსწავლეებმა?



ძირითად საცხოვრებელ ხარჯებს ფარავს სტიპენდია. მოსწავლეებს შეიძლება მოუწიოს საკუთარი ტანსაცმლის ყიდვა და იმ დამატებით აქტივობებში ფულის გადახდა, რომლებსაც არ ფარავს სტიპენდია.

როგორია ჩაცმის პოლიტიკა („დრეს-კოდი“) სკოლაში?



მოსწავლეებს მოეთხოვებათ, ეცვათ მუქი ფერის შარვლები და თეთრი პერანგები ან მუქი ქვედა კაბები.



რა პირადი საბუთები დასჭირდებათ მოსწავლეებს?

განაცხადის წარდგენის დროს მოსწავლეებმა უნდა წარმოადგინონ მშობლის მინდობილობა, დაბადების მოწმობა და წინა წლების ნიშნების ფურცლები თავიანთი სკოლიდან. ნიშნების ფურცელი უნდა იყოს ნათარგმნი ინგლისურად და დამოწმებული ნოტარიულად იმ შემთხვევაში, თუ ორიგინალი არ არის ინგლისურ ენაზე. მოსწავლეებმა, რომლებიც დაჭილდოვდებიან სტიპენდიით უნდა წარმოადგინონ პასპორტი, დაბადების მოწმობა და ნიშნების ფურცელი.

უფასოა თუ არა ტრანსპორტი თბილისში მოსწავლეთათვის?




სტიპენდიანტი მოსწავლეებისთვის საზოგადოებრივი ტრანსპორტით (ავტობუსი, მეტრო) მგზავრობა თბილისში არის უფასო.



დამატებითი ინფორმაციისთვის განაცხადების
მიღების პროცესში დაგვიკავშირდით:

 euscholarship@eapeuropeanschool.eu

 +995 32 225 70 06

 +995 577 39 39 99

მიმართე
ახლავე!